

Kai komeki meĩuafuena itino uuriyafue kakaina jira

Así está mirando nuestro corazón
porque alguien vino a hablar aquí

Hipólito Candre (HC)

Adofiki (Cordillera), río Igaraparaná, septiembre 1, 1992

Mei ua bie izoikano daani kai HC
komeki ifuedo mei kai uuritikai.

daani kai ua taijiedo eroidikai, kai HC
jiaima taijiedo eroĩnedikai, jiaimie
komeki uriyafuena kai onoiĩnedikai.

Ie iedo ua fia ua dinomona mei HC
uruemo ite rafueita einamakidimaki,
einamaki mameki naani abina onori.

Ie abina onoiĩnena izoi uurite, ebena HC
uurite, jiaima urue jakidokana uite,
ñuefue daiĩnide, ie ikirafue; ie iadi
mei kai onoiĩnedikai ¿nĩie ikirafuedo
makade?

¿Buu mei makataga?, ¿o minika HC
eroikano mei uurite?

Taino baka mei ua kome jiaima ua HC
ikiĩnede, ua iadi jiaima mei
komekido.

Ie jira, ¿nibai ite mei ikirafue, ite HC
uriyafue?

Meita mei einamaki ebena uurite, afeno fienide daii uriya.	HC
Mei, ¿buumo jutaitikai?, ¿buu mei ua daiitikai?	HC
Ie jira mei iadi mei yoga.	HC
Kue aki daiitana jira kue uriya daina, nia kai onodikai.	HC
Ie mei yoñena fia ua ebena ua be daii zefuiya fienide, baifene mei meairede, ja baifene ua uriyafuena mei ja jaaide.	HC
Ie jira mei, ¿ñie mei ua einamaki mei daiitana?, ¿minika ua, ua baifene mei ua ikirafuedo makade?	HC
Mei fia ua, ua be daii uuritikue, daiinide.	HC
Kome iya eroikano uurite, iadi nana ua kome ua daiinide.	HC
Ba iadi mei ua ba iyamie diga, kome iuvai yote.	HC
Akie izoikano kai komeki mei ñi bifomo kai uaina ite, jiiibina uai diona uai, jikanote.	HC
Jae einamaki daiitade, ie jira einamaki ja ua ja mei rafuena imaki yñinote, ie iadi baie uafue daiiñede, uafue daiiñede.	HC
Ie jira, iko dinoñede ja daidikue, dinodenia mei ua tii ñeite.	HC
Iadi onido mei omoi maka, ja ua kue daidikue.	HC
Bai bifomo atiñeno iri, ua rafueita o yoiri, ua rafue yuaiga mei yoga.	HC
Ie mei baie uai ua jaarede, kai komuiñena uai.	HC
Ie jira mei ua jino yoiadi mei onoiyena, ¿ñibai ite ikirafue?, daidikai.	HC

Ie jira mei menakaño afe izoi itino
mei uafueita ua rafueita kaimo yoiri. HC

daani omoi ikirafue eroikana
makadiomoi, onido omoi maka. HC

Bifori iñede ikirafue, kai jiaimado
eroikana eroiyena iñede. HC

Einamaki mei ba iadi mei uurite, mei
iñenia uriñede. HC

Aki daii eroikano afeno beno nii
uaina itino kai urue kai rairuiya uaina
itimie mei aki daii daide. HC

Aki dinori mei baimie uai kai yoga. HC

Uai raii, ebena zefuiñeno, kai
dainano. HC